

HUNSRIK 1469

Haloo, hier is Solange Hamester Johann, fom Projekt Hunsrik.

LEERER TAACH

Te Taach waar aus keweelt kep fer te Taach fom Leerer se fayre un macht referëns uf te 15oktoower1827, wan D.Pedro I, Kayser fom Brasil, en Kayserliche Tekrët aus kep hot, woo ti Funtamental Xuul Piltung im Brasil ketsoo hot, kenënt “Escola de Primeiras Letras”. Torich tii kesets solt yeete xtat fon te Natsioon sayn funtamental xuul hon.

Ti festlichkheet hot aankefang in São Paulo, woo fier leerer ti itee hate fer en Parate Taach se orkanisiere fer tee Taach se fayre un aach naye richtunge fer ti fayrung im nekste yoer se pleene. Torich en Feteral Tekrët fom oktoower 1963 waar tee taach als xuul fayertaach teklareyert kep.

Te motiif fer te Fayer Taach is te Leerer Taach mit eere se fayre, wayl tii profisionaale es fertiine, ti importans fon te Leerer in te keselxaft se loope un tas ti xiiler un sayn familye tayl nēme solte.

Liipe Leerer, an tēm Leerer Taach wole mier tēm Mayster, woo soo fiil uns lērn, unser tiif tankpaarkheet un admiratsioon ekspreseere. Sayn untericht un sayne kexik fer sayn wisens fertayle fiire unser xtuutum un ales was mier lērne, mus mer tanke fer sayn aanxtrēngung un hiinkaape in te xuuler klas.

Mayster in te khunst fom lērne, ekspērt in kexichte fertseele un tuun ti teoriie fon te welt aus leye... Mier erkhēne te kroose weyert fon tayn eksistēns, liipe Leerer! Yaa, mier sin kans xtols tas mer soo enkajierte Leerer hon, woo sayn aarwat mit pasioon aus iipe! Tanke Xeen tas tier imer too sayt, fer uns se helfe, wakse mache un pesere mēnxē wēre!

Liipe Leerer, fiil mools tanke xeen fer tayn tetikatsioon, ketult un kompanii in te kanse xuule yoore. Mier sin sicher tas tayn xuule tayl fom futur fon yeete xiiler sin wēre, fon tēne sayn familye un sayn kemeenxaft!

Fiile Tank tas tuu uns helefst en kuute futur uf paue!

Fiil Kesuntheit, Sechnunge un en Klikliche Leerers Taach!

Xeene kruus aus Thee Walt!